


錄
序
人





稼亭先生文集卷之十六

律詩

賀竒宰相新拜政丞入賀新正二絕

天教大振舊家風強仕之年拜侍中借問如今誰得
似皇朝歲晚接儲宮

玉仗東西立曉風衣冠萬國在庭中羨君此日朝元
去通籍吾曾直兩宮

辛巳元日有感

為母還家四見春今年元日暗傷神鏡中不獨添
髮甘旨供疎藥餌頻

親年七十又三春喜懼情深却問神但願期願安且
樂金花湯沐賜頻頻

秩滿還朝在此春為緣親老愴精神百年儻盡怡愉
養千里何妨往返頻

兒童共喜見新春竹爆桃符辟鬼神笑我異時如汝
輩而今却怕得年頻

人日

今年人口少春前猶是風光屬去年壁繭探官君莫
笑要將真假問蒼天

辛巳夏入都寄張訥齋

清時高卧郭南莊
笑殺趨塵兩鬢蒼
豈不懷歸江上路
却嫌當道有豺狼

送同年達兼善檢校浙省

瓊林初見秀瓊枝
更憶同遊玉禁時
天近爐香風細細
秋深燭影夜遲遲
車塵九陌還相別
梁月三年有所思
得意南行雖可羨
那堪又作送行詩

寄仲始思補兼呈朴判事

山林無處着幽棲
恨不身生鴨水西
浮世利名蠻戰觸
他鄉言語楚吟齊
忽聞新事心還折
長憶親交夢轉迷
幸有兩家兒子在
休教習慣似醯鷄

戲賦式無外念珠

數到恒沙欲盡頭須知此念尚難周不如心子渾忘
了付與吾曹當酒籌

終始端如尾與頭循環轉覺未能周待師數盡微塵
日可免輸吾一百籌

塵塵剝剝露頭頭一念超然已自周逐物若須放數
去何殊終日執牙籌

用舊韻答友生

他人豈意有今日此輩依然如舊時投鼠要須先忌
鬼傍觀眼冷已多危

寄康獻納

昔與南侯幸卜隣
宦途常恨隔風塵
如今又喜君家
近三逕何時着兩人

送友人還鄉

名利馳人不少休
辭親萬里作羈遊
那堪又送還鄉
客統郭秋山滿酒樓

和張生七夕

一年一見未應遲
嘉會丁寧自有時
若把人間比天上
紛紛何恨負前期
分手河梁尚恐遲
應知樂極有哀時
世人莫笑間何

閣此是神仙久遠期

別何容易會何遲只有丹心似舊時一水盈盈猶可
望長門咫尺見無期

雲旗霧旆渡橋遲又是星河欲曙時縱使年年七月
閨貞心未必變初期

纖纖札札下機遲霧縵雲經無斷時縱得成章何所
用儂家本不買佳期

日君行速月妃遲一月猶存一合時頗恠天孫有何
意獨將今夕以為期

牽牛飲水每歸遲政值雲鬟照水時借問相看何不

語去年曾與說心期

一拙能令萬事遲百年強半懶趨時天孫乞與人間
巧不管書生素所期

九日諸公見過小酌

病裏故人至客中佳節來暫披蒲葉席共舉菊花杯
歸意豈堪說笑顏聊與開相逢不痛飲節物苦相催

送辛代言東歸

百年心事巧相違兩度今年此送歸別後酒醒清夜
夢定知飛駟到庭闌

年來定省已多違謾說懷歸自不歸惆悵關河四千

里送人乘傳覲慈闈

題蘇伯脩叅議滋溪書堂蘇氏五世增書
至萬卷座主宋尚書誠夫首為之記諸公皆
有詩

五世以方學有源勢隨滋水日增瀾著書政似求書
急遺子何如教子難盛業即今聞四海名從此到
三韓春官座主曾題處手澤猶新不忍看

寄洪文野理問

剛厭東方異古初西來還不似吾廬人間自有安身
處自是書生作計疎

寄賀崔春軒新拜典法判書

南浦閑居二十年，夢魂不到利名邊。
判書望重諸曹選，奉翊官高二品聯。
時事豈堪輕出手，後生聊復與齊肩。
何當寫寄春軒記，出處從來只偶然。

寄金仲始思補

異時物議奈吾何，此日功名未足多。
誰似南江烟雨裏，千金不換一漁簑。

與東國觀光諸生遊西山

湖山勝景世間稀，千里同遊本不期。
瘦馬蹇驢誰復數，清風明月自無私。
萬夫力盡東西寺，二聖心存左右。

右碑頌信此行天所賦晚來雲雨更催詩是日有騎
驢者為守湖者可止

寄遼東崔洪兩廡訪皆鄉人

聲教無南北遭逢有易難聖朝來萬國佳士出三韓
同按范滂轡頻彈貢禹冠書生獨何拙旅食久盤桓
壬午歲寒食

宦路從來足是非更堪親老遠庭闈已從客路逢寒
食也任京塵染素衣細雨忽來驚節換落花如掃惜
春歸忍貧要趁良辰醉鬢髮多情心事違

金敬先落第東歸用寒食唱和詩韻留之

於文益見昨之非夜夢猶驚坐棘園富貴敢期誇畫
錦恩榮曾得賜朝衣喜君壯節題橋入饒我當年落
第歸足用三冬文史在短檠相對莫予違

次韻答順菴

半生光景屬離居旅食從來不願餘窗外芭蕉饒夜
雨盤中首着富春蔬家貧自有簞瓢樂計拙非自翰
墨踈時到烟花禪榻畔坐忘身世 蘧廬

六月十五遊西湖

舟人見客競來迎笑指荷花多處行此日汴流應更
好夜來山雨水添生

清風不用玉壺迎
紅日如催畫舸行
欲識西湖奇絕處
夜深花睡暗香生

龍舟幾向此中迎
玉仗縱縱夾岸行
但道側金開梵刹
誰知前席問蒼生

小兒安可折腰迎
高士多應掉臂行
湖上秋來花易落
人間日出事還生

曉日舟人似喜迎
晚來何事却催行人情
盡皆如此悵望西山暮
靄生

七夕

佳節無人肯見過
人間歲月逐飛梭
神仙杳杳合歡

少兒女紛紛乞巧多
容舍秋光清似水
天河夜色淨無波
起來覓句空搔首
奈此一庭風露何

途中避雨有感

甲第當街蔭綠槐
高門應為子孫開
年來易主無車馬
唯有行人避雨來

中秋翫月

客路相逢喜可知
况當佳節共吟詩
他鄉異縣各千里
古月今人此一時
徹夜秋光清欲滴
明朝世事浩難期
無端頃刻冰輪側
仰面貪看豈敢辭

八月二十日觀新河放水

秋風集卷之十一
十一
臨河望水久忘還萬世功成數月間已遣舟航通四海更穿城市抵西山濁流狂鬪隄防密金口高呀吞吐慳共說巨商爭道入牆烏飛到五門關

九月十五夜用中秋韻

遇物興懷不自知婆娑步月和前詩依然萬里同光夜政似中秋對影時五鼓難留清景駐一尊唯與故人期今宵如此寧無語此責吾曹安可辭

寄文野郎中詩

世俗多嫌送耳言君今勇退有何難不應當局皆迷着未及旁人自在觀

秋雨夜坐

寒雲作色送昏鴉，獨倚書窓感物華。
秋晚江山正搖落，夜深風雨更橫斜。
利名少味徒為客，魂夢無情不到家。
曉鏡定應添鬢髮，羸驂肯復傍塵沙。

用順菴韻哭韓誠齋政丞

都門丹旆想飛飛，千里啼痕久未晞。
共為世臣悲故國，獨留喬木掛斜暉。
吾王尚老人猶望，彼相扶顛事已違。
風月蓮莊曾有約，公迴首更依依。

謝順菴冬至豆粥兼呈孔敬軒

陽復堅冰事已非，曉窓冬粥莫予違。
咄嗟金谷味雖

好倉卒溥施功不微香積共分來紺宇候鯖誰羨出
朱扉何當鋤豆南山下草露沾衣帶月歸

守歲

流景不曾駐遠遊誰與羣一燈聊共守兩歲欲平分
營背憶慈母椒盤遺細君朝來有佳氣試筆看書雲

癸未元日崇天門下

正朝大闢大明宮萬國衣冠此會同虎豹守閭嚴內
外鷲鴛分序肅西東壽觴灑灑浮春色仙仗擬擬立
曉風袍笏昔曾陪俊彥天門翹首思難窮

元夜祈津橋上

節到元宵便不同
皇都春色更融融
萬家燈火黃昏後
九陌風烟暗淡中
靜着吟鞭後瘦馬
偶隨游騎過
弄虹若為不怕
卷吾門繞遍天津
西復東

居近呈頌菴

居近青蓮字偷閑步屣頻
風聲鈴對語月影塔分身
主通烟霞古園春物象新知
師厭塵俗唯不避詩人

西郊途中

頭上光陰故不饒
春來物色苦相招
偶逢寒食遊山寺
共瞰渾河度石橋
道北豐碑懷舊德
岡頭高塔認前朝
要須醉踏西郊遍
原草初青馬漸驕
道北有劉

太保伯顏丞相墓

題西山靈巖寺寺僧皆鄉人

棟宇何時不記初
斷碑唯載太康書
曲通小徑千峯裏
新鑿寒泉百尺餘
俗客敢留塵土迹
鄉僧猶愛水雲居
要登絕頂復重看
明日不知身所如

三月十四遊城南

春知將去故相牽
策馬羸蹄織轍邊
一望城南三十里
落花如雨柳如烟

朝來細雨易成泥
怯送街頭瘦馬蹄
掩卷南窓尋短夢
數聲隣舍午時鷄

寄克禮州判

客裏久三歲別來成獨嘆
夜床饒語晚食憂
漸覺趨庭近終知去國難
皇恩那可負我輩竹器冠

寄松京親友

諸公衮衮且欣欣
競效才能欲致君
且問因何於我
子杖藜終日共看雲

微雨有感

密雲作雨尚纖纖
病旱禾苗未足
密雨起三三
澗澗
術沉吟搔首傍虛簷

六月一日

畏景今朝減二分炎威挾旱更如焚
水空皺愁眉望火雲誰道光陰如過鳥
不若白雲之
飛蚊故山處處宜逃暑松響泉聲行
佛國

六月六夜雨

赤地方千里西郊且密雲羣公勤
慶理一雨洗蒸熏
大意存黔首吾生戴聖君書窓
歌枕耳一不尔等
得家兄書

賤子成何事年年作遠遊
樓華開處少前樹得
疾也
信字煩黃耳餘生共白頭
置書空悵望江海日東流

街上望西山

却從城裏望西山隱約城頭露翠鬟為底相看如不見只緣心在利名間

久雨水漲城中多捕魚

浪浪簷溜夜連明環堵皆頽泥滿庭四海八荒雲一色濁涇清渭水同形何時得見當空日彼月猶從好雨星憂旱老農今又泣謾傳城市厭魚腥

次韻順菴六句吟

昭代虛名幸見收年將半百未歸休研朱汗竹終安用鑷白看花却自羞已分無才驚俗眼更諳有命壓人頭六句盛作真堪詠伯玉知非庶可求

寄晉州安判官

曾過東南第一州，恨無一字壁間留。
聞君出倅倍相憶，夜夢屢飛江上樓。

次韻延聖寺玉簪花

青錢買種意何深，雨打風翻不自任。
豈比花王誇國色，似隨天女試禪心。
燒香閉閣誰同賞，拄杖敲門擬獨尋。
我欲對花歌此曲，請師一撫沒絃琴。

七夕小酌

平生足跡等雲浮，萬里相逢信有由。
天上風流牛女夕，人間佳麗帝王州。
笑談款款尊如海，簾幕深深雨

送秋乞巧曝衣非我事且憑詩句遣閑愁

皇都秋日

遊子情懷久未安
慈親朝暮倚門難
篋中舊筆愁時
援頭上塵冠
醉後彈析木
津清多月色
居庸山近足
秋寒無人認
得淹留意
高枕南窓一夢殘

送洪義軒歸國

萬里朝天後
三秋作客中
歲時還款款
此別更恁恁
鄉國情何極
軒裳夢已空
追隨且未可
跋馬立西風

稼亭先生文集卷之十六

稼亭先生文集卷之十七

律詩

七月十七觀法駕回自南郊

初日瞳瞳瑞霧開
今朝陡覺氣尤佳
雲移御仗連雙闕
風送天香滿九街
為念蒼生心有切
爭瞻玉色喜無涯
此身得見唐堯聖
未必茅茨覆土階

病中聞郊祀後大赦朝賀

太平天子挹謙虛
報本推恩復似初
丹鳳曉開青瑣闥
金雞天降紫泥書
五雲彩仗羅玄冕
萬壽瑤觴進玉除
臂病未能扶杖聽
不知帝力又何如

病中述懷

三年作客又何為，半是公心半是私。
願及北堂無恙日，更逢東國太平時。
理生甚拙貧如病，學道無成老漸癡。
耿耿此懷誰與說，南窓力疾強題詩。

客居無事孰相求，目病關門室轉幽。
貧訝黃金能買貴，老知白髮不緣愁。
歸來華表千年鶴，浩蕩烟波萬里鷗。
今古悠悠盡如此，仲宣何苦賦登樓。

無田亦可有何求，家在江村事事幽。
吏自催錢休苦厭，兒能學稼不須愁。
園花似火疑燒鶴，溪水如藍欲染鷗。
除却漁樵更無伴，肯重迴首五城樓。

既好後吾不可求何人起我出巖幽斷蓬到處無
迹芳草明年又換愁謬笑不成同畫虎機心未盡怕
驚鷗縱然歸去應迷路花木如今礙小樓

伴影羈遊只此身素衣今復化京塵望雲日日慙高
鳥對月時時憶故人慣聽鵲鳴虛報喜誰知蟻屈是
求伸故山東望三千里明日梅花又一春

安心是藥語非虛病不加醫漸復初把酒未知明日
事挑燈且讀古人書青山有約常排比白髮無方可
掃除故舊年來半凋喪浮雲富貴定何如

初寒

天容慘悽變朝霞始歷冬瘟有雪華風自北來鳴屋
角日將南至掛簷牙人皆附熱思同浴况正學寒憶
在家生活百年多冷淡紙窓呵筆字橫斜

冬至

扣門送粥自南隣驚倒周公夢裹身雷在地中翻碩
果陽生井底轉洪鈞老懷漸覺羈遊惡病眼偏驚節
物新聽取街頭賣新曆萬年天子又頒春

遣興五首

天人相勝豈其然世事休看未定前說客還家腰有
印弄臣失主手無錢市聲午枕江翻浪歸計寒燈夜

似年不是吟詩是言志他時只與小兒傳

長空鳥沒更茫然青史興亡萬古前晚食先生常當
肉大言亭長不持錢是非且待評他日貧賤多應在
少年遺嗅流芳等閑事不如名字未曾傳

重足人間履薄冰知心賴是有良朋今年又減看花
伴隣寺猶存送米僧風雪九街長柄笠圖書四壁短
檠燈待成志願歸應晚把酒南山謝未能
筆陣摧鋒硯水冰時時得句憶心朋醉來投轄今無
客飯後鳴鐘舊有僧南浦烟波吹短夢北隣歌舞照
華燈天教我輩皆如此敢道清貧是我能

莫嫌冬暖室如水居在西南喜得朋雅有野懷思買
鶴久無秀句擬尋僧家人祝鵲醅春釀客子聽鷄燼
夜燈但得還鄉休惹事我除農圃更何能

除夜獨坐

兒童此夕鬧比隣春入皇都喜氣新獨閱塵編過夜
半一燈分照兩年人

甲申元日

都下經三歲逢春却自悲親衰猶遠別兒弱未相隨
物意歸生長人情重歲時屠蘇可獨飲萬慮入新詩

正旦雪

雪後除夜到正朝旋入春風不禁消扇影未分雙闕
伏靴聲早集五門橋後教賀列朝衣濕好傍昭容舞
袖飄便是新年多瑞氣願隨椒酒進民謠

人日

已喜王春好更知人日佳三韓舊風俗萬里老情懷
星弁搖銀勝朝衣映祿牌高堂七觴炙景恨隔天涯

立春書懷

遊子思親無別意小人懷土是真情土牛已載青春
至姪女難禁白髮生未撥寒醅唇尚燥忽看新菜眼
還明宦途不併田家樂愧殺當年學代耕

代書荅仲始司藝

禍福常相對，息讎要兩忘。南村讀書處，便是一羲黃。

寄克禮州州

須臾蒼狗雲多態，浩蕩白鷗波自閑。宦路投身無罅隙，人情背面足機關。

獨坐

今日無來客，他鄉少故人。簷聲留宿鳥，窓影弄遊塵。感事看前史，添年憶老親。誰言能自斷，出處不由身。

小園種瓜有感二首

賃屋曾無數，丈深種瓜隙。地暗傷心歸，期屈指看秋。

蔓不比栽松欲待陰

農圃當年着意深詩書晚歲誤初心杏花村外一犁
雨鳩婦急呼天正陰

送竒集賢代祀醫巫閭

集賢學士氣如虹手捧天香出九重好為吾皇代禋
祀聖朝元不議東封

細雨曉起

朝來未能起閉戶似吾廬細雨清明後羣花爛熳餘
病嫌佳節迫貧覺故人疎只待陽暉出簷前卧曝書

遊延聖寺

春風解到梵王家客子偏驚負歲華
曉雪墻隈深數寸夜來風雨落梨花

春雨二首

好雨時能至幽人夜不眠
計鍾膏土脉薪桂濕厨烟
燕壘低初補花房重倒懸
為農豈難事吾又負今年
花柳閑相引風光困欲眠
已愁春向晚更值雨如烟
酒債人間有歸心馬首懸
良辰自樂耳但願蛋豐年

送黃檜山

得意諸公此一時離亭玉轡映金卮
男兒出處那容說客裏乾坤一首詩

送韓相國二首

不是才難用是難喜聞新政屬儒冠
朝鮮禮樂今時
魯又部文章舊姓韓此日托孤心更赤
幾回臨變膽
空學蒼生洗眼看

東方只道難醫難為是當年倒屣冠
直語莫嫌負外
三言三正待中韓只緣皮在毛猶附
不待唇亡齒
已寒之也之初尤未易耳爭傾聽眼爭看

讀書始司藝

讀書始司藝因從室忘處心如淡泊
遇事豈蒼黃

送李正郎

或在舟中世態門羅雀心期弋慕鴻

崔深父

事亦參差且喜如松茂曾憂賦黍離

燕

客裏故相依身世炎涼迫乾坤羽翼微

葉去雛長却分飛見爾增悲慨今年又未歸

送金同知奉使東歸

捧詔辭丹陛三韓去路長高堂明畫錦寶剝散天香

滄海浮仙境青山出故鄉無勞問民瘼聖澤及遐荒

病起呈知已

一卧經冬復歷春近憑詩酒暢精神
恩讎未報平生志老病還侵見在才
狂走昔年騎竹馬祕方此日按銅人
不辭力疾陪談笑除却青山事事新

明日端午復用前韻

為緣抱病失青春便覺今朝興有神
角黍何曾負此腹絲絲如解繫吾身
遠嫌靖郭妨生子每愛靈均尚感人
正是一陰還用事天機袞袞幾回新

送鄭仲孚遊杭州謁丞相五首

丞相南轅政化新愛民如子出天真
只嫌暑濕傷和氣賴有家家祝壽人

行近江南景物新六朝遺迹已迷真聖元混一今無
古笑殺當時割據人

西湖今古龍蛇新一見應知面目真舊日詩仙曾到
處紛紛歌吹惱遊人

蘇杭景入畫圖新每恨傳聞摠失真及子未還吾亦
去鷄林賈客盡詩人

梅花風格幾番新俗物何曾解此真為我一過和靖
宅能詩便是愛梅人

雨中獨坐

聖主新年格上蒼今朝甘澍洗愁陽氣侵几席微生

潤勢滯風雷稍作狂擬着蓑衣橫小艇想者不蓋偃
方塘莫言病客無聊賴剩得疎簾一枕涼

食笋三首

故山篁竹賤如薪春筍堆盤不甚珍忽此眼明青玉
東益壑久厭客京塵

聞說侯家蠟代薪馳峯屢出御厨珍也知蔬筍味方
永玉案有時棲素塵

種木不材皆可薪種來蒼玉最堪珍免教蒙雜逢饒
客揔是凌霜不受塵

賦順菴猴孫二首

造物足奇怪浮生無定期最憐人面獸來伴法身師
破悶看呈技邀賓索賦詩何須強分果世俗自相欺
林棲無復望檻束本非期信斷留環處名傳學劍師
臂長堪習射肩聳似吟詩恠汝偏多詐逢人却被欺

阻雨書懷寄鄭仲孚

半月天陰未肯晴九街泥濘不堪行關山杳杳家何
處風雨蕭蕭夜復明無馬相邀成悵望有尊獨酌謾
含情知君此日多新句客耳空階一樣聲

仲孚見和復作六首

欲雨農家又欲晴皇天不語四時行水生浩浩連滄

海雲起茫茫掩大明燮理已歸賢相手陶甄共荷聖
人情詩成未獻南熏殿願和五絃琴上聲

苦雨狂風久未晴出門有路覺難行懶拋黃卷閑消
日夢斷青燈坐徹明楞櫟敢期昭代用松筠不阻故
園情請君聽取隣雞唱肯為蕭蕭輭廢聲

家童曉起報天晴欲訪南隣還未行伏雨紛紛愁子
羨停雲靄靄憶淵明計疎不去真無賴交淡相逢只
此情也識尚書妨曳履履聲便是舊家聲

始喜乍陰還乍晴漸為霖潦斷人行應教客鬢吟成
雪故向空階滴到明五里未能通信字數詩聊復遣

閑情寄來嚴律誠難和知是陽春第幾聲

故山此日未應晴憶昔衣霑繞竹行不信濕薪如桂
貴肯將官燭代松明夜深兒女團栾語酒熟隣家繼
繾情誰使京華長作客厭聞陰雨滴簷聲

久雨陰陰陰復晴未成跬步出門行百年愁醉孤燈
暗雙鬢詩斑曉鏡明自笑無心隨世態君看何事稱
人情相從痛飲真良計耳熱不聞梧葉聲

仲孚再和喜晴仍約遊西湖復作四首

風盪窮陰忽放晴樓臺好處擬閑行天瓢洗出山河
秀玉燭調來日月明猶恐殘雲含雨意要分齊景助

詩情新篇漫興休煩和吟苦還嫌作乞聲

比隣笑語鬧初晴急取青藜着履行螺點遠岑雲際
出鴉翻夕照樹腰明生成袞袞着天意憂喜紛紛見
世情及此晚涼同一醉佇聞門外馬嘶聲

西湖水滿北山晴山下乘舟湖上行四面天機雲錦
爛中心仙閣翠華明白雲杳杳遺弓恨紅日悠悠倚
柱情不可此問無好語喜君自昔有詩聲

水光山色弄微晴好向西湖載酒行已卧蓮舟浮滉
漾更鳴桂楫擊空明恐君孤負同遊約舉世奔忙各
有情他日相逢空大笑此詩荒澁不成聲

鄭仲孚示予去年蔚州所作東萊十首次其
韻

天閣二山外地窮東海涓民生自太古世運屬重熙
作郡多遺愛觀風要採詩客來題滿壁佳句世應知
勝遊仍處處樂事亦時時我自尋花去人遊載酒隨
江平移棹晚山好渡橋遲平甫雖無作仲孚宜有詩
行邁嫌為客淹留擬卜居憑軒閒恠鳥舉網得嘉魚
徐福尋仙處新羅入貢餘孤城與喬木極目故躊躇
山前官舍古積翠有幽軒既以梅為塢仍將竹作門
故知圖畫俗不借管絃繁安得能詩客公餘共置尊

平甫知名早其人想必端當時傳秀句此郡說清官
天意憑誰問宦情從此閑歸軒不復駕今古嘆才難
洪佩嘗令此邑卒于官

昔我曾遊地君今恣意行仙居八海僻人去有臺平
喜伴山僧往愁逢縣令迎冬青多異卉土俗不知名
浴室何年有殘碑無復存地靈泉不竭湯沸石常溫
行客往來數居人迎送煩誰敲鼓陰火此理亦難論
竹間多異鳥慣客不驚飛未解啄紅粟何曾惜翠衣
晝晴啼寂寂月苦聽依依更喜無彈射甬生心莫違
扶桑豈云遠一望海天長不待披雲去先瞻出日光

益烟浮近渚，戍火耿高岡。幸值升平代，皇恩安敢忘。
聞說十年前，義倉多腐陳。君王不好利，鄉里少游民。
單父彈琴日，萊蕪滿甑塵。高臺表遺愛，周令豈其人。

客舍

客舍臨官道，輪蹄日夜行。吾猶學干祿，自惜共馳名。
世事雲俱變，歸心月獨明。故山秋已霽，枕簟嫩涼生。

寄賀兩金持平

醉度尊前歲月，起來筆下風霜。盤石已安社稷，膏旨
難理網常。

寄辛草亭

已從子厚思懲咎敢與楊雄作解嘲宦路曾無百歲
好人情莫忘十年交

寄安康李先生

有命那禁老無求自得高山林百歲樂軒冕一生勞
我經鴨淥三千里公卧雞林二十年出處閑忙俱白
髮一尊相對恨無緣

丙戌中秋題漢陽府

萬里歸來為老親今年剩得鬢絲新他鄉又見中秋
月浮世徒誇百歲人寂寞良辰誰與語荒涼古館暗
傷神留題壁上易磨滅強起呼燈袖拂塵

明歲又題

空館寥寥誰見親，獨吟詩思更清新。
對山長愧作行客，有竹不妨無主人。
毀譽一時移節操，功名百歲費精神。
舊題只合黃泥埽，安用紗籠強護塵。

驪興客舍次韻

如將此景入毫端，文要蘇黃字要顏。
政為居民愁賦後，寧容過客賞江山。
白波青嶂間，裏赤岸銀河伯仲間。
一宿樓中猶未足，扁舟他日辦長閑。

寄成按廉汝安

久宦皇都苦憶親，竭來定省喜難言。
山村冷落無甘

旨笑語團團有子孫已與隣翁同伏臘常嫌過客問
寒暄朋春巡罷將還旆擬掃漁磯共一尊

稼亭先生文集卷之十七

穆厚尊卷之二十七

廿三

稼亭先生文集卷之十八

律詩

九日

九日黃花酒高堂白髮親
遠遊空悵望薄宦且因循
秋雨荒三迳京塵漲四隣
登高猶未暇極目恐傷神

冬初

日射南窓一室虛
四年光景又冬初
久留旁舍居人
換漸老他鄉信
字疎併食不妨沽
羨酒借錢猶欲買
奇書富貧等是為
心累自揣平生已有餘

心與僑居四壁虛
理生猶似十年初
自知宦路情何

薄皆與權門迹也疎俗物有時來敗意明窓盡日坐
看書他年林下如迴首正是黃梁一夢餘

雪夜小酌

臘近纔呈瑞冬温不失和履聲人起早篆迹烏留多
舊業餘書榻歸期誤釣簑擁爐俱是客奈之酒錢何

齒痛

到今成病奈如何挫硬攻堅未足多漱石先生猶自
厲防梭仁容亦能歌已輸柔舌時還掉豈以剛腸老
不磨唯有養生方獨妙軟炊爛煮學東坡

苦寒

朔吹搖空歲暮天
颼颼老屋讀書氈
一寒到骨那能
解萬事開心只有煎衾鐵
夜深明積雪樵山市近絕
炊烟詩人耐冷今猶古
擬訪梅花澗水邊

立春

江海歸無日京華滯此身
未驚金馬夢又打土牛春
曆法推三統人情見五辛
不曾爭歲月何事鬢毛新

乙酉元日

游宦將成老淹留又見春
客中人事少都下歲華新
萬國歸皇極千官拱紫宸
椒觴久未奉倍憶北堂親
人日讀杜詩仍用其韻

元日至人日兒童數歲時一年行又減百歲豈云遲
事業南柯夢英雄上蔡悲何當問花柳信馬雨絲絲
送菊庭奇叅政還鄉
輦下春風三度別眼前世事幾番新恠予同甲顏先
老無奈他鄉慣送人

送尹正言落第東歸

憶曾落第出京塵詩酒淋漓興尚新此日此情應似
我他年黃甲肯饒人

寄賀安謹齋

三子登科古所難高堂一笑動三韓皇朝射策知多

少丹桂連枝又姓安

送洪陽坡提舉赴征東儒學

偶到京華却久留挑燈夜夜說歸休青山不必將錢
買只恐紅塵白了頭

曾謂孤高出輩流年來且與說沉浮不知林下誰先
去君政亦官我欲休

重送

客路逢寒食離亭對夕暉宦游人易老心計事多違
四海知音少三韓信使稀青山有成約羨子得先歸

清明雪

雪入春分省見稀今年已賦雪堂詩東風御柳經寒
食頃刻花開此一時
春樹無花雪有花清明天氣未應和侯家醉耳寧聞
此凍死流民骨又多

清明後出城南望西山雪

今朝偶上第三橋春晚西山雪未消恠底東風久不
力近山麩麥有春苗

肉林高處酒池深春雪餘威不敢侵天本於人無厚
薄民今相食是何心

次韻荅家兄

辭親又復客燕都苦憶庭闈侍奉勞謾把詩篇吟陟
祀雲山東望際天高

少年辛苦寓松都常愧慈親織屨勞此日清貧猶似
舊官高不必與名高

幸際風雲入帝都擬將志養慰劬勞慈顏漸老鷓原
隔何以團圓笑語高

家山萬里久無書夢想高堂老病餘誤信古人多養
志興漸冷筍與冰魚

嘗搆茅齋聚古書當時栽種十年餘園松偃蓋應棲
鶴溪柳垂絲可貫魚

一別經年謾寄書那知弟鬢白無餘掛冠直欲還家
去野艇苔磯對釣魚

用家兄詩韻寄示兒子訥懷

男兒頑宦帝王都若欲致身均是勞汝識宣尼小天
下只緣身在泰山高

二十年前懶讀書虛名却嘆白頭餘汝今當惜分陰
學富貴可求綠木魚

寄李杏村

烏頭容可白俗眼豈終青遙羨明窓下焚香寫佛經

次韻寄金同年天祚

已决歸休計秋風馬足輕於君十年弟已嘆二毛生
舊隱溪山好歸來萬事輕釣筒并酒盞相對送餘生
送同年安貞之登第還鄉

三韓謹齋弟又占棘闈春册桂連枝秀青雲發軔新
百年交契密萬里別離頻甚欲隨君去高堂共有親
寄金敬先副令

文章一變近儒先座主篇篇儘可傳此日三韓吏
部莫教李漢獨能編

聞克禮州判除代言詩以賀之

游宦何須萬里行三韓內相足為榮入生適意無南

北自嘆狂夫滯玉京

送順菴奉使東歸

數載燕都幸作隣
勝游不問暮兼晨
金臺南郭看山
客盡舫西湖載酒人

重送

燕山久客已知非
又送公歸且未歸
惆悵城東萬株
柳行人折盡尚依依

寄安謙齋

時事去年皆破膽
賢才此日競攀鱗
起公未滿平生
望却言行歲似古人

送崔德林正尹從雲南王入西南夷

少年豪氣不孤身行遍天涯與海濱登隴雖高還望
蜀游燕已遠又經秦山攢劍閣疑無地路入群柯不
見入賴是王門多俊彥曳裾談笑靜風塵

灤京紀行

居庸關

天限燕雲有古關崎嶇細路兩山間太平此日車方
軌黃屋年年此往還

途中

夏日雲州道新詩未用尋風涼解却暑雲薄不成陰

水注龍門急山藏驛路深時逢村舍好忽起故園心

李陵亭

許國身何有成功命不侔漢皇雖好武飛將未封侯
苦戰知無賴生降亦可羞高臺啣落日為爾故遲留

灤京二首

龜協神謀定兩都灤京爽塏世間無已知四海車書
混誰信一天寒暑殊滿地牛羊屯落日逐風鷹犬獵
平蕪古今豪氣吞夷夏匹馬吟詩愧腐儒

聖人當日此龍飛得卜神京萬世基大駕時巡駐請
輝群公景從賦新詩北隣晴了南隣雨六月天如八

月時恠空上蒼多變化燕山暑氣正蒸放

樓殿大會

大闢明廷列鼎鍾魏魏樓殿壓崇墉武夫角力雄如
虎詐馬跣空炳若龍一色衣冠扶鳳輦八珍羞膳進
駝峯願君永享外平樂比屋多方儘可封

灤京送別一首用閔及菴詩韻

曉饑城東露漚送灤京百里好風烟家家駿馬便孤
矢處處高樓鬧管絃劉保舊居雲蒲谷李陵遺迹草
連天及菴好古詩無敵壯觀應須子細傳

發灤京

世祖膺圖處劉公定鼎謀地高天北極事往水東流
雲出便行兩霜飛邛待秋儒衣元自薄早去不堪留
早行失道

失道自堪笑一生歧路中只緣迷不遠未至哭途窮
尼父戒欲速斯言今謂陳早行還落後深愧遲明人
哭仲孚三議贈其兄鄭判事

嗟嗟玉樹倒詞林詩酒當年託契深豈倚少年仍得
疾却因多慮故傷心未還郭璞並中筆謾指玉枕腰
下金同是天涯不重見鷓原落照恨沉沉

中秋夜坐

年年此夜幾篇詩
風露淒迷透薄衣
已分勞生長作
客每逢佳節倍思歸
浮雲礙月底
心性羨酒盈樽無
是非想得故山秋
正熟兒孫笑語侍庭闈

平生之游歷歷可數
拙齋春軒相繼下世
仲孚司議亦為鬼錄
作二哀詩寄呈耻菴
汲古

堂

勢利後來道易窮
淡交誰復有初終
一時摸摺懷春
叟千首文章憶拙翁
寂寂門庭非舊日
茫茫天地又
秋風箇中鄭子最年小
此恨知公與我同

聞宜寧南同年復官于朝
叙舊述懷聊寄短

篇

妙齡同榜又同僚世務東西歲月遙戰藝棘闈成一
夢卜隣松逕阻相邀雲山十載供高卧風雨五更迷
早朝料得英雄今古意到頭遺恨在漁樵

寄俞正言

千年文物舊松都此日弓招起碩儒白髮郎官今更
少先生且莫染髭頰

寄白和父諫議

日飲黃封醉似泥時時騎馬欲雞棲世無韓子爭臣
論誰見溫公諫院題

送洪慈管赴淮安屯田

候吏河頭艤盡船
故人門外敞離筵
應同剖竹二千石
肯愧取禾三百廛
地接江淮饒景槩
望傾廊廟佇才賢
覩交輦下多相憶
莫忘時時寄酒錢

次三藏韻

因今乘駟去憶昔棄繻來
為報郵亭吏書生豈小哉
三藏馱經去吾今送曆來
授時并布教王事更欽哉

題鹿窖

擬尋藏窖鹿恐類守株
人郵吏應相恠憑欄一笑新

題神山背面圖

人心如其面此言傳自古見面不見心不如不迴顧

題義州新樓次韻

身世悠悠入倚樓此樓更在國西頭請看客裏光陰
疾樓下長江衮衮流

寄贈黃曆友人

倏爾七年別飄然萬里行聊將新曆日遠寄故人情
次韻題野雲莊張訥所居

三間白屋野雲莊一夢黃梁政事堂壯志豈能隨手
縮高名終不與身藏栽松歲久陰初合種稻田腴穞
更長畎畝忘君非我輩杖藜頻上後山岡

次韻送安照磨赴遼陽

君今忽遠適我亦慣僑居
宦路多離別人情足毀譽
官清湏薄俸親老要安書
敢望留軒蓋深慙滯里閭

丙戌除夜

游宦皇都幾見春
歲時常憶北堂親
可憐此夕燈前影
正是當年闕下身
草閣應同黃閣貴
錦衣爭似綠衣新
明朝五十行知命
莫作東西南北人

丁亥正旦

去年此日在皇州
袍笏隨班拜冕旒
覲省桑鄉殊寂寞
北堂椒酒又何憂

五十

五十而知命今年感聖言區區爭尺寸役役度晨昏
祇是為身計何曾報國恩從茲不稱夭萬事付山尊
五十而無聞今年愧聖言文章真手拙利欲竟心昏
竊位類需祿渾家謾被恩後生誠可畏肯伴舉匏尊

新年

新年風雪斷人來三日山扉掩不開臘酒浮蛆春滿
室綠衣堂上獻深杯

此行真欲賦歸來便好茅堂勝處開半斷樹根仍作
枕由防溪水為流杯

寄鄭代言

百年心事一扁舟自笑歸來已白頭猶有皇朝玉堂
夢不知身在荻花洲

寄白和父

歲晚江山復舊遊從今直欲理漁舟先生比我年顏
少努力匡時到白頭

寄洪陽坡

提舉先生義最高不將門戶鬪奢豪料應移病年來
數詩酒從來懶笏袍

寄南村杜判書

行看流水卧看雲得句時時獨憶君
出處從來偶然爾爭教移勒北山文

寄賀敬先代言

內相榮無比高堂喜莫涯山村人事絕
應恠賀書遲

寄詔使金省舍

西游十載不還鄉忽入薇垣姓字香
玉詔頒恩來絕域綵衣稱壽上高堂

寄奇叅政

慈親八十始來歸定省晨昏志莫違
夢裏紅塵吹白髮稼亭南畔有漁磯

次韻題奇叅政草亭

為緣清讌作新亭
鳳舞龍蟠抱地形
山近烟嵐濃似
幄蒼虛花卉疊
成屏從今勝集傳
松蘿自昔高懷在
菊庭世事紛紛當
掩耳容來痛飲不
須醒

次韻和洪陽坡提舉賞芍藥

曾見東君卷旆迴
却留妖艷滿園開
宦途誰是看花
伴縱使招呼不肯
來

尋花痛飲戴花迴
為是今年不再開
料得殘紅應滿
地豈容俗子扣門
來

梅花同白和父作用東坡韻

井底微陽迴枝間花意動瓊苞不易折霜葉已堪弄
的皜早偷春輕盈巧耐凍性鍾冰雪清境絕輪蹄闕
頗訝玉皇居時令月姊從芳心趁臘開皓態出天縱
小杏視兒孫蟠桃為伯仲故譏松得封應鄙橘包貢
月上影彌踈雪低枝自重邦容粉蝶媒未見黃鸝啼
本在衆芳先宜無妖艷諷和鈿畫莫當綴席飲堪痛
御物似西蜀風光想南雍宛逢姑射姿悅結巫山夢
誰自嶺頭移幸茲園裏種吳姬競學粧越使遠飛鞚
既費神功多敢將凡卉共脩竹謾成龍孤桐空遲鳳
清香度淺溪秀色明寒洞欲盡寫幽竒方知筆填瓮

寄安康李先生

自笑豈宜紆紫綬人譏又欲選青錢先生當日獨知
我每憶相尋到海邊

百年事業短檠燈任重掄才愧不勝却羨先生忘世
味尋僧日日學三乘

官班過望心常愧計若如初老更貧安得飄然拂衣
去溪山勝處伴高人

官大貧如舊身忙老已侵何時對山坐款款細論心

稼亭先生文集卷之十八

易學傳卷之六

十一

稼亭先生文集卷之十九

律詩

宿興義驛

天寒破驛少人烟
下馬昏昏睡馬韉
夜半酒醒仍夢覺
宦情離思共悠然

過慈悲嶺

迴首松都已杳然
堂堂更在海南邊
吾生屢度慈悲嶺
此去還非少壯年
絕頂僧房埋積雪
荒林驛舍鎖寒烟
題詩欲寄諸心友
凍筆如錐不着牋

寄順菴

重來轉覺舊游稀
九陌塵埃易滿衣
虛淨堂前數株
柏歲寒忙待主人歸

寄訥齋

世事看來眼冷
年光變處顏緇
為破貪嗔癡戒未成
歸去來辭

寄朴判書

宦游又到帝王都
薄俸官閑酒可沽
正是故山秋不
熟啼飢時復念妻孥

寄金汝元

游宦皇都意未闌
滿天風雪到燕山
請君且勉三冬

學他日功名不放閑

寄方尚書

城南池館即仙家滿意青山滿眼花恨我未能陪杖履紅塵白髮走京華

寄閔及菴

去國遲遲又此時先生何惜送行詩應嫌老簿渾閑事薄宦東西慣別離

寄洪陽坡用前韻

提舉先生義更高新詩往往帶雄豪也應對酒團團語笑殺朝天雪滿袍

寄金蔡酒

世間誰似麴生真
曾遣渠來慰我貧
醉裏忽忽未暇
謝旅窓空夢
瓮頭春

寄李搃郎

十五年前清禁游
一時文會最風流
醉狂漸減知無
奈况在他鄉
易白頭

寄安搃郎聞貧之落本國之職

東來言語豈皆真
不覺今朝一笑新
後進決無如仲
氏何人奪職與何人

寄奇菊庭

國若起公多所賴公如當國亦應勞草庭花發樽如
海滿座賓朋笑語高

次韻答南宜春

恨不相邀到錦筵此心耿耿有蒼天星山風俗年來
惡政似龔黃却拂然

吾生豈意辨文筵暗裏安排有老天世事邇來尤可
厭只思相對醉陶然

寄李密直

胄庠文物盛唐虞有子爭執守海隅聞說先生朝北
闕可令豚犬執鞭無

寄李樵隱

重到皇城又見春紅塵依舊鬢絲新翻雲覆雨何時
歇勢利如今更誤人

送崔廉使赴福建

高堂九十親無恙故國三千路已賒按轡又窮閩粵
遠驛程無處不飛花

哭竹軒

一身存沒寄安危此日那堪為國悲紀德異時窮竹
帛質疑無處覓著龜勤勤濟物閑中藥徃徃驚人醉
裏詩恨不壽公留數歲三韓會有太平期

寄安康李先生

有恩未報可無嫌
道似先生尚典籤
看取英雄古今事
不如松菊醉陶潛

題江天暮雪圖

九陌紅塵午日烘
閉門看畫意無窮
何時着我孤舟去
獨釣江天暮雪中

監倉有感

十年儲有道兩界會相關
出納當須各收藏
本自艱智生朱墨外計在白黃間
言利非吾事躬耕憶故山
紅腐相因日清庶並進時吏無爭鼠耗帝亦念民飢

河溢公田沒陽驕農事遲弘羊死已久天意杳難知

自詠效樂天體

年過五十可知非尚爾馳名何大癡了了聰明隨日
減涼涼行止與時違人譏鼻赤因耽酒自識髯霜豈
為詩更是家貧親亦老百般心計不如歸

次韻哭竹軒

喬木東韓有世臣年來不慙嘆何頻竹軒風月三千
首鐵卷山河五百春自是銛鋒能挫物不妨偉量解
容人燕臺聞訃已成哭此日題詩恨轉新
禮義門中詩酒場黑頭功業笑馮唐不知造物將何

意人不如公老更強

寄同年張寺丞

騎虎方知却下難
吟詩驢背苦求官
惟哉造物多機變
暗裏教人倒屣冠
經濟隨時有易難
人心只願作高官
如今自揣真無用
悔不當時早掛冠

題金孟堅詩卷

莊書之義諸公之序盡之矣僕不敢贅然
愚谷舉湘靈之句而樵隱有衣鉢之語則
亦不能含嘿因書以勉之云

語涉荒唐頗不經細觀寧昧此心靈莊周末必非胡
蝶夢覺殘燈入夜青

金君自少號通經筆力年來似巨靈好折燕山一技
桂莫嫌髮未十分青

愚谷施銀杯詩次韻

銀杯施與雨花天藏在龍宮定不遷還我木瓢真率
好任他金碗富豪全清貧更覺心如水爛醉何妨面
洒泉唯有詩魔推不去感時懷古苦相緣

哭金理問夫人大興縣君

相國知名早夫人配德光死生皆有命富貴更堪傷

丹旄春風拂香廕
曉月歲恩封自天子
赤縣遠流芳

次金同年韻

忽然相會見天真
一話前游酒一巡
着眼江山隨處
好關心
世事幾番新
白頭萬里還鄉日
紅粉三行滿
座春莫笑稼亭偏
老拙從來不解使錢神

演雅一首

塘欲捕蟬寧顧後
鷹如逐雀要當前
一聲師子百獸
廢社鼠城狐尤可憐

次鄭按廉詩韻

海上青山小草堂
豈期同舉菊花觴
白頭猶未成歸

穆亭集卷之六
六
計官路逢人感嘆長

次許郎中詩韻

秋盡荒林不見花
忽驚車騎到山家
須知喝道殺風景
竹外柴門小徑斜

喜見門生有探花
公來此日共還家
白醪黃菊崇文洞
不覺微微舞袖斜

僕與許公於去年此日鑠園崇文館僕親
親在韓山稼亭而許公銜使命而來過焉
豈非天幸也因號所居曰崇文洞

寄兩郭同年俱在羅州

任隨貴重慙尸祿身與心閑慕隱居安得南游携數
客海邊佳處結茅廬

紀舟行奉寄松亭居士兼簡林州

扶餘四詠四方傳訪古應須棹酒船不負松亭居士
約更邀林邑使君賢傍江臺館開圖畫入夜魚龍舞
管絃農月縱無腰笏令廻繞豈敢小留連

宿桃源驛

驛名不合作桃源破屋荒林不記門過客乞靈楓岳
去可能分福與黎疇

中秋宿五溪驛

去歲中秋漢陽府孤斟獨詠正無聊每憊馬上逢佳
節共識人間有此宵露濕衣巾寒縮縮風吹鬢髮白
蕭蕭明年見月還相憶路指關東山水遙

忠肅王田于鐵原上孤石亭留詩一絕時按部鄭
公子厚書于客館後有三藏法師趙順菴依
韻應製穀不能嘿嘿敬書二絕

覆轍誰能後戒前秦封遺跡舊山川勸王遠狩非良
策只為姦臣不畏天

背山官舍畫屏前跬步登臨百里川置酒更逢賢太
守勝遊佳節正秋天

宿金化驛夜雨

山圍古縣增秋氣
風打疎林助雨聲
夜半夢驚仍不寐
計程纔過鐵原京

宿金城縣

秋入金城錦不如
千崖萬樹得霜初
林間老屋流亡外
山上磽田賦稅餘
莫厭使華紛傳遽
惟嫌吏弊巧侵漁
閑遊似我猶相擾
深愧淵明獨愛廬

登天磨嶺

路過通溝境漸奇
汪教羸馬故遲遲
人行嶺上步虛處
屐雲在山腰行雨時
自愧老來還試險
却從閑裏更

穆尚書卷之十
思危王尊忠國王祥孝只解尋幽也大癡

天磨嶺上望金剛山

攬天雪色放神光天子年年為降香一望平生心已
了不須深處坐繩床

登金剛山正陽菴

茲山恹恹復奇奇愁殺詩人與畫師更欲登臨最高
處噬臍脚力未衰時

宿長安寺

曉霧難分跬步前日高清晰謝龍天雲連山遠西南
北雪立峯攢萬二千一見便知真面目多生應結好

因緣晚來更向蓮房宿溪水松風捲說禪

登天磨西嶺俗云髮斷嶺嶺上可望楓岳

絕嶺橫空鴈過難嶺頭迴首一長歎從教雲霧埋楓岳我已登臨恣意看

再宿通溝縣有感

往來二度宿通溝不獨民勞客亦羞唯有主人言可

喜近山未稼勝前秋山謂楓岳縣人云以山故有秋

宿淮陽府次壁上許執義韻

田薄何曾入勢家西成今歲氣尤和地偏過客應來少山好居人却厭多北嶺重關牢鐵鎖南江一帶漾

青羅丁寧遺戶且安業聖德如今海不波

次尹學士詩韻

此州風物冠東州一道山川欲盡頭自古民心思樂
土鐵關雖鎖豈能留

登鐵嶺

獸窮則搏更猖狂可歎開門納虎狼腰下金符亦安
用險關只合一夫當

國本無人賊有心關門直下幾千尋縱然漂杵燕歧
血竟使良民怨至今

次和州驛上韻

誰令變起不虞中拊髀橋前往事空
宇內已瞻新化日海隅猶有古淳風
仙遊處處同玄圃俗尚家家事
梵雄須信民躋仁壽域太平天子
厭興戎

觀國島有感

萬頃蒼波一葉舟好風吹我到瀛洲
傍人莫恠怱怱過骨未仙時不敢留

登鶴浦元帥臺

百頃湖心孤嶼青詩人增損作新亭
重來載酒須千斛不待風吹骨已醒

鶴浦縣亭有安謹齋詩其末句云若為添得

東溟水沒盡奇觀免此勞蓋以游觀者勞民
故也余反其意作一絕云

瘦馬羸童路更長孤村破驛正荒涼若為富庶關東
路每遇奇觀醉一場

次高城壁上三日浦詩韻

關東到處是方瀛海上秋山列錦屏此是神仙舊遊
地扁舟緩緩傍長汀

貴人堂上已登瀛羅綺香熏孔雀屏瘦馬書生多好
事攀緣疊嶂與迴汀

次三日浦四仙亭詩韻

勝景安能集大成此湖應似伯夷清水涵天宇澄心
碧山倚秋空刮眼明如見雲間絳節影時聞月下玉
簫聲丹書斲了還依舊羞對仙蹤說世情

次歙谷客舍詩韻

縣官銜必勸農兼田野多荒口不添郭外青山如欲
訴客來故故入前簷

次列山縣客舍詩韻

白頭報國日猶長喜及身閑訪衆香因過關東探勝
景道邊黃菊近重陽

次杆城板上詩韻

城接山村事事幽
峯巒迤迤樹林脩
路窮更傍千尋海
軒迥如登百尺樓
卯簿吏閑常早散
星軺驛急未嘗休
考雖下下庸何害
撫字心勞一道州

永郎湖次安謹齋詩韻

安相情懷黃鶴月
李生行止白鷗波
重来此地誠難

必空聽關東一曲歌
謹空先生存撫之日遊此湖作一絕云暮雲半卷山如畫秋雨

初晴水自波此地重遊難可必更開船上一聲歌又非聞東別曲今聞其歌詞其詩凄然有感故云

次萬景臺詩韻

道傍奇絕石為臺
過客何嘗特地來
喜我閑遊登覽

久主人况復勸深杯
時同年陸君為杆城守

次襄州樓上詩韻

李君起廢事超前敗瓦書存天慶年棟宇已同金盛

日間闔還有太平烟滿簾山圍屋隔岸濤聲浪

接天寄語新除賢太守隱之何害酌貪泉

容舍故州守李君林

宗重構者也天慶年事具於李君之記今聞崔副令宰出守是州故并著之

同遊柳少卿以馬病落後到襄留待不至用

樓上詩韻趣之

老以才疎偶在前先生氣銳更芳年國恩未報深如

海世味先知淡似烟夢裏寒松叢石路詩中細雨菊

花天幾迴遇勝苦相待明日分程向酒泉

登祥雲驛亭亭好而無詩故留一絕

絕景由來下筆難或因未暇卸征鞍此亭不在寒松下自是無人着眼看

次洞仙驛觀瀾亭詩韻

亭外峯巒擁縣門檻前洲渚抱漁村碧波可染衰髯白清景能醫病眼昏三島茫茫天共遠百川浩浩海并吞若為對此忘機坐不校人間有達尊

懶鍾金鋪畫戟門閑尋翠竹白沙村東溟浪靜天逾碧西塞山高日易昏偶作勝遊殊可喜欲談時事却成吞古來觀海難為水井底何人妄自尊

改江陵客舍東軒詩韻

我行往節更豐年
醉倒臨瀛別洞天
山自北來青未
了海為東極浩無邊
鏡湖載酒搖明月
石竈煎茶颺紫烟
但自不逢奇政虎
州民元是一羣仙

及寒松亭皆有古仙煎茶石竈

臨瀛江陵別號鏡浦

次寒松亭醴泉君所題韻

意專尋勝景
早出故城門
仙去松亭廢
山藏石竈存
人情有今古
物像自朝昏
一是曾來此
聞言謂不根

次鏡浦臺安謹竺詩韻

來擁紅旗返火城
使華遊賞稱人情
自甘野服偏蕭

散猶喜詩編及老成夏永倚風攀檻立夜深乘月信
舟行安能擅此湖中景狂客狂名繼四明

次江陵燈明寺詩韻

為尋佳景度危峯海濶天長眼界空心與勝遊常不
足詩當絕景却難工臺臨出日扶桑曉寺在迴巖古
木風想見夜深僧入定龍王來看佛燈紅寺有觀日
臺臺上有

稼亭先生文集卷之十九

稼亭先生文集卷之二十

律詩

次三陟西樓八詠詩韻

竹箴古寺

愛竹何須問徑園此君稱謂未應非
招提翠密不知處唯見斜陽僧獨歸

巖控清潭

巖底成潭是大川巖頭直下視茫然
州人欲取潭心月知有淳風不變遷

依山村舍

江上青山山下村太平烟火不關門居民豈識江山
好早起營生直到昏

卧水木橋

十里人家挾一灘往來橫木渡狂瀾宦途失脚危於
此有足何曾却立看

牛背牧童

渠家姊妹有娥眉夜績辛勤作嫁衣愛汝生來無
慮披簑橫笛任牛歸

隴頭饑婦

相思寧復勉加飧婦餉夫耕了世間以色事人多見

棄顏華一去不曾還

臨流數魚

長江如練寫秋空
俯瞰吟詩日已紅
但道游魚清可數
區區屈指與癡同

隔牆呼僧

官舍僧房繞隔壁
砌花窻竹共成叢
上樓無偶聊相喚
非為顛師有道風

次蔚珍容舍詩韻

馬首關東路欲窮
竒觀過眼旋成空
一燈古館連江雨
九月荒城落木風
寂寞舊交聞笛裏
蹉跎世事倚

樓中幾入塵土懷清賞魚在深池鶴在籠

次迎曦亭詩韻

日上扶桑照兩間一邊星斗尚闌干風磨雨洗毫端
浮霧散雲收眼界寬自笑世情思測海仍教學術解
觀瀾紛紛南北多星使莫作尋常傳舍看

次越松亭詩韻

訪古秋風馬首東喜看鬱鬱蔭亭松幾年心為尋真
切千里糧因問道春厄絕芥介經漢魏材堪廊廟擬
夔龍倚欄不覺沉吟久拙筆難形萬一容

次平海客舍詩韻

江上人家竹外村，竒觀左右儘逢原。重游白髮驚親友，數點青山隔故園。城控滄溟風頗惡，地連暘谷氣常溫。偶題詩句宜塗抹，豈要流傳衆口喧。

次臨漪亭詩韻

此亭光價倍於前，詩老命名延祐年。典簿獨游人不識，不慚操筆答雲烟。

次寧海北涼樓詩韻

足迹平生萍共浮，夢中時復倚樓頭。題橋一去三千里，佩印重來二十秋。松似郊迎皆偃蓋，水堪漁隱有輕舟。他年儻遂東山志，好在紅粧淚莫流。

次寧海府客舍韻

敢將畫錦託歐陽
縱得歸來去天忙
蜀郡前驅看負弩
會稽除道晒腰章
北軒天閣倉溟黑
西嶺秋深草樹黃
休向離亭先洒淚
感時懷舊已無腸

題興海縣客舍

田腴地利帶魚鹽
只恐臨民頗不廉
古館何人能起廢
腐椽殘瓦落前簷

國無新法撓茶鹽
更遣才能按且廉
民病如今在何處
沉吟落照入虛簷

樓臺題詠徃徃皆
是盈德以南江山自若

而樓臺闕如也詞人墨客所嘗經過而託
興無所安得不一為之慨然乎及興海之
為郡良田彌望又饒山海之利而井邑蕭
條館舍頽落敢望所謂樓臺者耶因惻然
有感留二絕于壁間以示觀民風者云

次永州客舍前賢題竹詩韻

鳳來何必九成音龍化還勝點鐵金春筍無端穿壁
去短牆南北剩分陰

題八莒同年裴糾正草堂二首

薄宦非吾志閑居在晚年對山忘歲月栽竹引風烟

清露蹲鷓圃黃雲沒鶴田愧予名所誤鞍馬到華顛
白頭驚會面青眼早忘年世事東流水親朋四散烟
卜隣應有地歸老尚無田每憶松巒下相尋發酒顛
次京山府百花軒詩韻
花開花落鬢絲加百歲春光一鳥過此日此軒還寂
寞蒲園疎木夕陽多

次京山府南樓韻

星山形勝定飛來山蒲高樓水遠臺喬木舊廬懷世
德落霞孤鶩愧九才官閑不害紅裙醉賦足何愁白
紙催更擬百花軒裏宿一簾香霧錦成堆

寄辛草亭

事過是非方有定時來品物各流形今人不賦緇衣
什還使今人說草亭
桃燈擬話當年意照鏡俱非昔日形道托且憺東道
冷明春特地訪江亭
天道循環曾不息人心機變亦無形北堂萱草南江
月高卧乾坤一稼亭

道過星山至黃澗縣漸凋弊可憐行次永同
郡留詩一首以示往來

竹嶺東南第二程要衝何日斷人行已憺上下爭科

歛更怯朝昏管送迎過客毋輕生喜怒遺民儻幸見
昇平欲留詩句還愁絕古館頽簷夕照明

行次陽山縣壁上有詩其名字為人所磨戲
用其韻作二首并書其詩于板曰安知此板
亦不為人之所去乎

半百光陰寄旅亭還家鬢髮里間驚又因訪古關東
路仍得尋詩海上城山好有時成小駐年豐到處喜
相迎壁間名字休磨去認取吾儕事筆耕

蕭條小縣似郵亭壁上看詩喜且驚路險何曾邀使
節人閑更覺遠州城當門老樹知誰種捲箔青山不

待迎已殿間津思卜築世無沮溺耦而耕

題錦州客舍

四塞路幽險高車豈肯來屋依喬木老軒傍好山開
樂藉殘紅粉賓階點綠苔興闌無秀句不是乏詩材
勝游無險易偶向錦溪來犖确行方盡紆餘望忽開
雨聲深巷樹山影滿庭苔教養是誰責地靈生異材

錦州四達皆嶮自陽山
至州尤嶮人謂犖确路

余於至治間因事到琿同縣數家破屋不庇
風雨謂已流亡無復人烟也今者之來候迓
有吏應接有所詢其所以陳其姓臣老其名

戶長其職者能有以起廢故也余喜甚因題
陳家之壁以示觀風以警監縣且令一鄉之
人取法陳家云

與時興廢見民情古縣重来忽眼明已變草萊為黍
稷更教荆棘化軒楹敢期有客賡詩句却喜無人識
姓名奉國持家只如此窮鄉何害出公卿

行次連山聞金先生光鼎在近邑教授生徒
以二絕寄之

曾誨螟蛉在泮宮閑居猶欲振儒風要談六籍排邪
說吾道寧專筆硯功

十里青山一畝宮，僊僊童冠舞雪風。
卜鄰甚欲論吾道，尸素年來愧食功。

寄大安寺中之僧統

宦路幾千里，交情三十秋。
相逢知不遠，俱在海南頭。
遊邊山諸菴，次蘇來樓上詩韻以記歲月云
高絕曾聞海岸山，偷閑得得恣登攀。
人從天降梯千尺，僧與雲分屋半間。
禪寂固知猶見縛，世緣那得敢相關。
翠微何日容吾住，竹杖芒鞋日往還。

次堯率壁韻

尋山本不為尋仙，千里游觀豈偶然。
浩劫因緣歸內

院上方世界控諸天鶴來曾搆岩頭閣龍去猶存石
眼泉深愧香山白居易未能結社已華顛

訪尹同年不遇

對山不浪出採藥偶忘還甚欲題凡鳥草堂猶未關

題興德客舍

為訪名山此地過江橋分路入烟霞歸來歇馬竹林
下一樹山茶猶未花

次金山寺壁上韻

春到青丘日欲中勝遊要及未農功為尋海上蓬萊
境因訪人間覩史宮危搆簷牙磨北斗法音鐸舌語

東風更思杖屨窮幽絕滿壑烟霞路易窮

寄張相國

身閑勝景恣游尋只恨無人可說心豈料普光精舍
裏挑燈共聽坦師琴

過龍頭洞次前賢詩韻故相趙狀元所居

偶向狀元坊裏行舊居斜日入前楹每魁塲屋群龍
鬪獨步才名一鶚橫厭世公曾歸碧落卜鄰吾欲斲
黃精地靈人傑言堪信看取公卿衮衮生

贈坦師

幾度思君欲遠尋相逢却未細論心年來厭聽人間

事洗耳湏憑月下琴

次古阜郡北樓詩韻

夢想南游自昔年登臨萬慮散如烟
幾番過客隨風絮百歲浮生赴海川
魁率山光清可挹蓬萊雲氣遠
相連欲留詩句吟還苦莫比騎驢孟浩然

殷學士見和鴻山所題謹用其韻奉贈二絕

滿頰春光滿鬢霜風流晚歲似張蒼
世間那得先空樂更有青山繞畫堂

猗猗高節傲風霜枝葉扶疎刻水蒼
墨戲敢煩揮妙手稼亭中作此君堂

題竹坡趙先生所居

亭好那容俗客過
風軒四面滿池荷
重游要趁花時節
醉聽青娥一曲歌

小齋新構寂無隣
淨几明窓絕點塵
茶椀莫教纖手捧
堂中自有白衣真

紫汀亭

崖頭紫石疊成臺
海色天光萬里開
策馬恣恣看不足
扁舟載酒要重來

遊千太山濟淪寺

溪山屏擁梵王宮
山外人家聽暮鐘
到此自然心境

靜不須辛苦住高峯

完山途中

狀元崔李才名大界首全羅氣象雄過客休誇金紫
貴公卿多出一鄉中

與薄先生成酒癖訥齋相國號詩雄青春白日完山
道萬事都休一笑中

訥齋見和復作一首

失馬已曾知禍福瞻烏未可辨唯雄詩壇張相能居
右酒聖李生時復中

京浦阻風

遊遍名山尚憮然却來京浦久留連
雲遮古寺尋僧路風阻長江送客船
草屋雞栖真可陋烏夷鼠竄亦堪憐
紫汀花發無多日畫舸紅粧逐少年

寄許執義

休官却易卜居難我縱歸來尚未安
誰似先生擅山水更無俗事敢相干

度官渡戲作

我行真是作閑游遇水逢山輒少留
津吏不知投綬客青衫白板候沙頭

題村舍

我欲卜居滄海濱漁村到處盡堪憐此家有酒乃多
竹題壁何須問主人

次韻答南按廉

十載風塵夢釣舟此身今在白鷗洲但將細馬馱紅
粉安用元戎擁碧油撲地閭閻無虐政傍江亭樹足
高游題詩盡是同年客千首曾輕萬戶侯

寧海留贈

重来烏得獨無情當日佳人白髮生怨淚滴殘將繼
血離歌凄斷不成聲關山鞍馬何曾歇花月樓臺總
有名從此丹陽添樂府新詞一曲倚清平

詞

真州新妓名詞

沈溪沙

客路春風醉不歸
笙歌緩緩夜遲遲
竹西樓迴月參
差行樂雅宜無事地
尋芳却恨未開時
他年誰折狀
元枝

次鄭仲孚蔚州八詠 巫山一段雲

大和樓

鐵騎排江岸
紅旗出郭門
遨頭來此送賓軒
賓從亦何繁
水色搖歌扇
花香撲酒尊
但無過客關
晨昏淳
朴好山村

藏春塢

是處花多必君家酒有無人間紅紫已難留曾見觀
庭隅世事將頭白餘生業舌柔携壺日日渡溪流藜
杖不須扶

平遠閣

有客登仙閣何人棹酒船宦遊不覺到天邊江路草
芊芊極浦低紅日孤村起碧烟離情詩思共悠然歲
月似奔川

望海臺

自昔聞浮海吾今信望洋有時風靜鏡磨光一色際

窮蒼絕島知誰到孤帆為底忙
後教日本是殊方三
萬里農桑

白蓮巖

寶曆明珠顆鉢衣霧縠紋白蓮
嘉瑞豈虛言時有異
香聞客枕涼如水禪燈耿破昏
誰言儒釋不同論到
此任朝曛

碧波亭

山雨花浮水江晴月滿汀
古人詩眼此為亭誰敢換
新銘去國心猶赤憂時髮尚青
漁歌政欲共君聽驚
起翠毛零

開雲浦

地勝仙遊密雲開
世路通依佈羅代
兩仙翁曾見畫
圖中舞月娑娑白
簪花爛熳紅欲尋
遺迹杳難窮
須喚半帆風

隱月峯

玉葉收銀漢
冰輪溢桂華
高峯礙月故
峨峨不待影
歌斜逸興逢
清夜高吟愧
落霞恒娥竊
藥不歸家風
露濕纖阿

次平海容舍詩韻

南柯子

古木多寒籟
虛簷剝晚涼
秋聲無處不
鳴商况是客

程佳節過重陽詩
驛籠紗碧歌筵舞袖香
官奴已老尚新粧
幾見使君遺臭與流芳

稼亭先生文集卷之二

和言集卷之三

十一

稼亭雜錄

送李中父使征東行省序

高麗在我朝如古封建國得自官人其秀民皆用所設科仕於其國皇慶間詔大比天下士自是始有試禮闈者然多綴末第或授東省宰屬或官所近州郡既歸即為其國顯官鮮更西度鴨綠水者夫自封建既廢天下仕者無不登名王朝其勢然也今高麗得自官人而其秀民徃徃已用所設科仕其國矣顧復不遠數千里來試京師者蓋以得於其國者不若得諸朝廷者之為榮故雖得末第冗官亦甚榮於其國

况擢高科官華近為天下之所共榮者乎元統元年
天子親策進士旅叨掌試卷簾內高麗李穀所對策
大為讀卷官所賞乃超寘乙科宰相遂奏為翰林國
史院檢閱官亦榮矣我明年上大興學校中父得捧
制書東還且將以其得於朝廷者悅乎親以及其鄉
黨也余壯其行告之曰子歸見邦人諸友宜言上文
明立賢無方未嘗鄙夷遠人如曾青丹所不產於中
國而中國實用之士患不適於用不患中國之不已
用也不然興學校之詔何以遠頒于茲土我易之漸
曰鴻漸于逵其羽可用為儀吉吾將見揚翹於東方

者與中文翩翩而來儀乎元統二年四月十八日國
子助教莆田陳旅序

珍島烟華畫不如白巖城下路縈紆鄉人盡識乘軺
使鴨綠江頭舊棄繻

聞說三韓學李唐白点歲歲集科場中朝高選歸家
看別樣蟾宮桂子香

東國登科第六人芳蹤獨占禁林春好將元統君恩
重說向高堂鶴髮親

鰲省門生衣錦還白頭座主送征鞍新詩價不一錢
直莫遣雞林賈客看

宋本

黃鵠遠見珍飛來東海濱上林紅日曉太液碧波春
振翮一何迅承恩從此新羽儀近天路歌頌動王臣
中舉寧愁晚孤鶩已絕塵孔鸞應借彩鸞鴛許為隣
省覲歸乘傳翱翔出捧綸已為中國瑞宜耀故鄉人

冀郡歐陽玄

海東進士來上國何人賜袍染猩紅才華正宜鰲禁
直話言何妨象胥通君今乘輶故鄉去想見鵲袍迎
夾路皇明右文開詔書明年鹿鳴早充賦

謝 鑾

橋門流水漾餘春
桂月輝輝照折津
天外乘槎還是
客朝中贈策豈無人
馬空冀北文猶濕
鶴去遼東海
未塵珍重歸來報
明主莫教容易鬢毛新

單父焦鼎

李君捧制馳駟歸海門
六月雲霏霏揚鞭舉鞚
四千里東過鴨綠生光
輝去年射策金門裏文
章驚起中朝士緋衣象
笏錫恩光執筆翰林脩
國史君如海鷗騰羽翰
奮然一舉凌雲端勿訝
邊州有奇士古來君子
出三韓

東平岳至

朝暎明祖幄芳餞賦長吟騎置虹旌下人傳鳳詔臨
香名留鴈塔綉服過雞林聲教東漸海年登九牧金

史官王士點

元統千年運三韓萬古風江流明鴨綠袍色賜猩紅
負弩鄉人出乘輶驛路通新詩書側理為我寄飛鴻

襄陰王三沂

披盡叢沙見紫金鉅篇曾動主司欽東方寵耀山川
鹿西掖恩霑雨露深輦底皇華辭鳳閣日邊丹詔下
雞林還家細向鄉人說亘古文明莫盛今

大名潘迪

李君起海東射策天子建文如崑崙源倒建高屋瓴
又如常山蛇首尾不敢停乙科已屈置首擢乃所丁
天子見之駭同列顏亦頰進之白玉堂翳以鳳皇翎
巍巍北辰居奕奕環衆星立賢本無方取士亦有經
始識中國大萬邦此儀刑聖人興學心夙夜靡遑寧
一日詔天下萬里馳飛軫李君亦在行因之經親庭
遙憐鴨綠東舟舟鄉山青其王聞詔來旂旄擁郊坰
天清海無波父老扶杖聽再覩德化盛普天仰皇靈
爾國甥舅親為我東戶高相距四千里不異影與形
爾歸勿久留使我心熒熒迎養固不惡豈曰無輜駟

我歌爾試聽莫待霜露零

揭傒斯

箕子餘風二千載憤溝樓下有書聲貢士來經鴨綠
遠登科去被牙緋榮中朝分命新詔使東人爭延舊
書生德音宣布聲教廣遣子入學同趨京

翰林脩撰宋 賢

中父東方彥聞名心已降科場推第一才氣本無雙
喜溢融維國恩浮鴨綠江白雲雖滿舍長策未經邦
同年復同仕千載一奇逢君念故鄉去人言吾易東
綸音宣化遠袍色映顏紅試讀明廷策難忘擊壤翁

歷山程 益

海峽浴日扶桑東三韓照耀圖書叢始知輿地無遠
邇仁風化雨沾濡同憶昨射策來趨風袞衣親御琬
瑋宮雲烟落紙龍蛇走猩猩血染恩袍紅紫泥擎出
蓬萊裏進士榮歸耀鄉里雕盤海錯隨意陳白髮慈
親顏色喜聖明天子方嚮儒者勿還山呼不起都門
他日候烏駟玻璃杯灑薔薇水

程 謙

俗美以箕子教興維聖明殊方誰不學吾子獨成名
恩渥緋衣潤風清碧海平錦還擊鳳詔歡筵定傾城

大名郭嘉

送奉使李中父還朝序

翰林李中父奉使征東已事將還過辭予因語之曰
進士取人本盛於唐長慶初有金雲卿者始以新羅
賓貢題名杜師禮榜由此以至天祐終凡登賓貢科
者五十有八人五代梁唐又三十有二人蓋除渤海
諸蕃十數人餘盡東士逮我高麗亦嘗貢士於宋淳
化孫何榜有王彬崔罕咸平孫僅榜有金成績景祐
張唐卿榜有康撫民政和中又親試權適金端等四
人特賜上舍及第舉是可見東方代不乏材矣然所

謂賓貢科者每自別試附名榜尾不得與諸人齒所
除多卑冗或便放歸欽惟聖元一視同仁立賢無方
東士故與中原俊秀竝舉列名金榜已有六人焉中
父雖後出廼擢高科除官禁省施及二親俱霑恩命
光捧詔書來使故國謁母高堂焚黃先隴為存歿榮
得志還鄉不獨長卿翁子夸下蜀越矣吾家文昌公
諱發遠之本年十二西游十八登咸通十五年第歷尉
中山佐淮南高侍中幕官至侍御史內供奉二十八
奉使歸國鄉人至今傳以為羨談嘗是時也屬於唐
季四海兵興而公以羈旅孤蹤寄食於藩鎮雖授憲

秩職非其真及乎東歸國又大亂道梗不果復命論
其平生可謂勞勤而其為榮無足多者曷若吾中父
遇世休明致身華近而且年方強壯志愈謙光其前
途尤未易量者則顯榮家國豈止此一時必見富貴
苦逼功名滿天下畫錦之堂將大作於東韓未識後
來視中父與昔東人為何如也因記在至治元年亦
自猥濫與計而偕是年舉子尚未滿額登左榜者才四
十三人予幸忝第二十一名拜蓋年別駕赴官數
月以病求免今茲退安里巷十有三年壯志一消無
復飛騰之勢比見中父益知予之終於自棄而無成

也慚負聖明又奚言哉中父尚勉旃毋以一簣進止
而虧九仞之高也予與中父厚旣羨其行且訟予拙
而復勗之云元統乙亥三月初吉雞林崔濯序
早筆骨非凡流刮目青雲得意秋三級風雷起蓬舉九
二雨露洽松楸鷓江柳暗牽離思鰲蔡花開待勝遊
尊酒論懷更何日白頭身事付滄州

益坐李齊賢

雪窓雖積十年勤戰藝場中易策勲此去功名如拾
芥有何臺閣不容君

政丞權漢功

祖帝高張碧洞賓
西郊一草計黃塵
今年雨雪連寒食
觸處烟火阻令辰
芳草未堪留去馬
綠楊豈解繫行人
男兒自有四方志
安用臨歧苦滄神

昌定安 震

奎壁照東方
仙李生鄉曲
睥而氣英奇
璞中藏美玉
結髮後我遊五經
已在腹無人識
真才貴耳而賤目
一朝與計偕
謁帝戰場屋
三捷收奇功
禁苑得頌收
腸攜謫仙詞
高詠對蓮燭
手持大史筆
直書汗青竹
去年錦還鄉
相如使西蜀
駟馬生光輝
萱堂披綵服
養志在立揚
割愛辭鞠育
為君惜芳辰
池塘春草綠

伊我謀良圖悔之不可復賜袍在篋閑坐羨雲間鵠

竹溪安 軸

天子求言詔萬方先生隨計應賢良高登桂榜遷華
秩光捧芝綸耀故鄉優渥異恩垂紫闥氤氳喜氣滿
萱堂宴安不是男兒事往取公卿佐聖皇

驪江閔子夷

翰苑李侯東方傑浩浩詞源固難測繞看題柱入皇
朝已見乘輅歸故國高堂綵戲未幾何王事有程留
不得遼水燕山去路長能記吾曹苦相憶

萊郡鄭天濡

昔吾方未冠聞子久閉門許身洙泗間
軒裳安足論
昂昂萬里鶴雲表誰能攀為儒孰云腐
今日共破顏
快哉風雲會東歸席豈溫平生還有約
贈子得無言

雜林李達尊

伊昔庚申秋同登東土榜又忝賓興科
中朝得偕往
棘闈與酣戰矛戟森相向一箭已不勝
含憤猶怏怏
聞子透重甲高山益瞻仰天子方重儒
溫色垂恩獎
置之白玉堂綺食兩象牀詔命許歸覲
使華耀皇皇
寵典及父母兩封芝牒香九泉感已徹
存者喜可量
高堂舞綵衣瀝懇稱壽觴男兒吐文章
日月須爭光

願余落風塵素業不自強看君拾青紫且願攀鴻翔
雲泥既異途翹首空徊徨

稷山白文寶

翰林豪氣浩難收湖海元龍百尺樓我欲從公遊上
國安能鬱鬱在荒陬

西原鄭誦

答策當年利用賓來時衣錦捧絲綸東關竊識棄繻
士南郡歸祭斷織親去國行遲因愛日朝天期迫欲
隨春見君騰躍青雲興始信詩書不負人

竹溪安輔

稼亭記

李君中甫世家三韓山陽居有桑麻杭稌之饒賓婚
燕祭之用取具題其亭曰稼請余記三韓去京師數
千里重江複關之阻海隅障徼之聚襍襍鉏耒於衍
沃之野視晨昕以作止候寒暑以發斂者風雨時若
田出以倍抱鼓之警不聞室家之樂怡如也可不知
其所自耶而况釋耒耜而軒冕者又可不知其所自
耶聖朝薄海內外罔不臣妾德之所并容徧覆恩之
所涵煦生養聲教之所漸被田畊井飲者固與草木

昆蟲游泳太和莫知其然士而軒冕者可不知所以
報耶夫王事惟農是務桑盛於是乎出供給於是乎
在於以興和協輯睦於以成敦龐純固夫知慕義於
天朝可不出於此歟彼籬齋橐負航浮手筴以修貢
職特事上之常典耳必也鐵以鑄鉞鉏斲而不以兵
民尚田作而恥末技士之未任其恪恭于農既任必
蓄民力必重民時穀祿受於己其思耨穫之勤勞政
令加諸人毋忽田疇之利病以繩墨自馭以愛利為
行庶乎其可也中甫始由其鄉歌鹿鳴而來戰藝春
官策于天子之庭中乙科授承事郎翰林國史院檢

閱官已而遷掌故徽政院未幾擢征東行丞相府員
外郎逢辰休嘉方施其所學入從出藩亦可謂榮矣
視其名亭若將與耘夫莠叟相從於隴畝之上庸詎
不忘民事之難其知所以報者夫至元三年秋九月
望承直郎國子博士王沂書于神州之官舍

稼亭詞

詹農祥之晨正兮嚶九扈其和鳴躬錢鎛以俱往兮
日與雞而俱興甘雨至而及時兮嘉苗起而懷新乃
芟蕪而立良兮寧塗潦之勞吾身竦堅實以一飽兮
猶有虞於乾溢庶微時而不忒兮始不負其勤力黍

絲釜其登場兮信秋成之可樂必勞動而後得兮可
日之不作余昔偃於田廬兮樂與苦其相參何釋
耒而紆綬兮視力田而有慚齒髮颯其衰莫兮蓋欲
歸而無所子方興而致用兮遽遐思於農畝屹環堵
之危亭兮期作勞以自營奉菽水而怡顏兮歲高廩
之可盈彼老農之為智兮非聖人之不如也念民事
之艱難兮不敢怠而逸居也又為之歌曰東海之壩
子所田兮出作八息樂有年兮非帝之大孰我安兮
彼君子兮不素餐兮

謝端

集淵明句奉題稼亭

東方有一上客養千金軀束帶候鳴雞出則陪文輿
代耕本非望整與園田踈園田日夢想投冠旋舊立
興言在茲春新疇復應畚田父有好懷過門更相呼
披草共來往履歷周故居悠悠待秋稼時還讀我書
雖未量歲功棲遲固多娛此事真復樂此語真不虛
餞送傾皇朝歸子念前途前途當幾許直至東海隅
古時功名士事事在中都遙遙沮溺心君情定何如

東陽黃 潛

節毛詩句題稼亭

下武維聖元思文溥漸被宅燕土芒芒海外同文軌
棧撲枝芄芄行葦葉泥泥菁莪盛辟靡芥藻彌泮水
藹藹多吉人共惟君子使信彼三韓山宛在滄溟社
昫昫陽坡田廼場廼疆理中田有新亭簷宇翼如跂
其居何人斯有美譽髦士士也東方英考盤衡門裏
家世好稼穡代食維寶此請學匪其切素餐是所耻
力民務昏作黽勉畏從仕帝曰咨臣工千旄舉鄉里
賓興歌鹿鳴飲餞鴨江溪奔然來上國折風弁有頌
川陸阻且長行邁日靡靡南宮士如林三捷獻長枝
射策揚天休穿揚反四矢聞望冠黃甲龍光動丹宸

從祿毗王堂靖恭閱國史載離樂寒暑悠悠憶桑梓
婦兮賦采綵母也嗟陟岵徂東拜省郎錦衣爛玼玼
言秣果下駒還車載行李有嚙列宿光煌煌照東鄙
維彼九都入瞻言仔相俟於焉暫逍遙畫諾聊與爾
王猶回允塞訏謀成疊疊返公思明農民勞曷其已
三復七月篇永言衣食始方春靈雨零夙駕催舉趾
楚茨斯載芟大田有良非嘉種得黃茂耰播亦勤止
厭厭實舍活綿綿或耘耔野餉載筐筥左右堂旨否
於皇新畬間終善無遠邇有稻有來牟有秬有糜芑
有瓜有菽蔞有種有繆紀有黍方與與有稷又蕤蕤

蒙蒙既堅好粟粟少糠秕秋獲序錢鑄薄言往觀視
或積若丘崇或密若擗比築塲納千廂開室儲億秭
炮羔御賓客釀酒行祀妣張仲齊孝友吉甫同燕喜
所願屢豐年多歲上帝社父母壽而康黃髮更兒齒
勉勉佛仔肩一方是綱紀率時海隅氓世奉明天子

魯郡王思誠

羲仲賓出日平秩東作事李君朝鮮入稼亭名有自
敦本崇禮教有年可立致負耒非無心乘桴或有志

京師宋 駉

畫省郎官鬢髮青歸來學稼葺新亭玉堂視草曾頒

燭綠野耘苗尚帶經日出扶桑烟漠漠春生孤島水
泠泠拂衣便欲從君逝白帽風流謁管寧

趙郡蘇天爵

使君結屋傍西疇冠蓋時從野老遊
賜谷官因東作重神農書自遠方收桑麻地
燠氏時早稊稻秋香海島幽鳳閣故人天上望
三韓蒼翠隔神州

安成劉聞

三韓雲麓好歸田負外新亭納海天
北省難留青瑣客東人爭逐綠江船
花開百濟春山裏雞唱扶桑曉日邊
報國但知農務急還鄉始覺歲華遷
盡鋤蔓草

脩場圃多種良苗備粥饘射鴈偶陪王子出跨牛仍
興牧童鞭桑陰負耒衣沾雨松外憑闌帽拂烟長恐
園林鷓鴣至不妨窓戶桔槔懸兒孫喜向三冬學婦
女能歌七月篇露冷芙蓉懷上苑雲黃祀徂慶豐年
時時款客開家釀歲歲輸官割俸錢却笑蘇秦無二
頃貂裘塵土朔風前

安成劉 閱

三韓山下黃金產五色雲中瑞錦窠好是秋來穎稻
熟安時應有吉祥歌

春風臺榭飛紅雪夜雨陂塘生綠波讀罷賢良方正

策逢人又說力田科

白馬金鞍紫玉珂春來亭上是行窩國人共說新貧
外學得中原語較多

重戴當在蘇骨多國王何日賜韓娥春風馬上閒來
往學唱天山踏踏歌

底是京城離別後更無一字問如何故人天上相從
處不及當年一半多

程 益

三韓山前春草綠柘枝連村桑滿谷大牛飯罷磔雙
角小犢跳梁野如鹿夜來東原雨新足九苞向人催

布穀歸佐明王理藩服上膏初起如雪沃淺種深耕
貴勻熟豈獨勤身化成俗要使扶餘皆菽粟新亭翼
翼滄海濱手持酒肉親撫循鳴竽擊鼓更儼函大田
多黍高過人車載輦負聲轆轤甌婁汙邪錯雜陳露
處有積居有困鬱金煮酒旨且醇葵羹香飴調酸辛
句驪唱歌田畯神我有魚炙供嘉賓醉來欹帽更迭
舞韓娥拍手山月吐

宣城貢師恭

天官初候景統野待新晴海上人耕雪中春草生
荷鋤忘吏役掩戶愛香清還省京華日朝服紀蒼精

同年方貴顯常懷隱者情時從粉省出自尋黃鳥耕
春陽初泛野小雨迥遮城想子還釋耒芳尊誰與傾

武威余闕

我家揚廣道釋耒仕王京挾策西游去久住鳳皇城
大君懷遠臣令臣官玉署內省聊淹留還思故鄉去
雞林分省治拜詔作新郎田園應不遠乘暇日旁皇
青山環館舍潑水畝溝塍我宇多鄰並耕耘殊未能
牽牛耕麥隴獲刈敢妨功佃夫勤已久登場我稼同
束髮讀經史入仕習華言耕鑿思帝力新亭立高原
蘭省多花卉叢叢香色殊那知新亭下飲食多所需

播種效古書閒田日以墾鳴珂趨省府從容敢忘本

東平王士點

朝馬年年響佩珂歸畊故里樂如何扶桑日近收成
早鴨綠江深灌溉多翠釜香粳瓊作粒錦囊春繭雪
生波郎官署在新亭側釋耒無妨日一過

南陽成遵

送李中父使征東序

國家大一統臣際海內外歲遣使高麗授曆而頒正
朔至正丙戌春正月李君中父以中瑞典簿實受命
行如故事朝士親昵作詩競祖遺野次予言曰聞之

海以東古建國壤比相錯高麗為最大諸侯王尚帝
室不一姓王氏為最親境大最親以故事上之禮為
最虔朝廷每使至彼奉承周旋備緻密罔懈虔也矧
中父持天子明曆以往者戎事重有尚此耶彼其候
境而郊迎官姓旁午馬汗漬韉膏流牽旌旗幢蓋揚
蔽風日絲竹朝轟鐸鼓震蕩威鉞劔戟矢弓武夫魚
貫進執以擁衛後先至則神明其箴告而後敢行焉
禮若是敬始至矣抑韓山高麗之近郊也維中父桑
梓斯焉攸植是行也亦既榮有光矣我雖然予知中
父早暮念慕不憚走數千里勞徒幸歸家慰慈母之

心耳固非籍光景耀鄉閭竦一日之觀羨為也若夫
滄瀦之暇策稼亭之筇陟韓山之椒瞰滄海覽浩瀚
鯤變而鯨迅恠濤動天地却立而膽扞吁可畏乎其
駭人也已乃考徐生之遐迹睇神山於恍惚飄然欲
乘莽渺凌鴻濛遺世而獨立又可樂也予恨無王事
不獲陪寤目俾湛滯之懷無時而豁焉中父來其能
無以語我哉遂因書吹所言畧以別至正丙戌春正
月真定周璿序

都門東下驛途長鳳曆頒春過故鄉津吏艤舟躬候
迓陪臣乘駟遠迎將恩威普洽分封國德澤均霑異

姓王坐見遠人懷聖化要令聲教徹扶桑

華峯張起岩

思親懷着幾年心上馬眉舒喜不禁津吏挈舟迎
鴨水藩王頒曆到雞林地偏東極春容盛潮長南邊海
氣陰軒冕天廷多俊傑莫從里社便浮沉

璿

天王至正好年華使者頒春並海涯致遠入唐能及
第相如喻蜀就還家仙人樓閣多藏雨駙馬城池早
見花開道韓山有慈母莫辭堯舜伴烟霞

林希光

鴨綠江頭春水清悠悠旂旆照江明陪臣擁道迎司

馬宣室承恩重賈生素繭題詩發高興翠螺酌酒見

鄉情憑君問訊張司諫還有珠璣到鳳城高麗率臣

燕正而有文與余
交久因以及之句章葉桓

候儀太史立金鑾寶曆新成錦作縈天子垂衣領正

朔中郎持節使二韓團團海日扶桑曙渺渺雲槎弱

水寒萬國驅馳去京國遠人逾覺聖恩寬

南陽

持節東行出帝京繡衣光射海霞明雞林日暖雲王

化鶴柱風清快客情桂子雲間深雨露萱華堂骨接

蘭蘅遙頌正朔歸須早政爾求才致太平

使宰東望白岩城
駟乘駸駸道路迎
鳳曆之期周正
朔雞林增重漢科名
橐金辭贈還家近
宮錦承恩拜
毋榮最喜不煩司馬
檄扶三萬里海波清

古道歌

九重頒曆賜高麗
中瑞承恩建使旗
宇宙久行光日月
山河又覩漢威儀
遙天雪霽扶桑國
大地春生鴨綠池
弩矢前驅誇自昔
况君綵服拜親慈

番易周 暇

稼亭雜錄終

稼亭李中父與予俱出益些門下又同游翰苑
凡所質疑山斗是仰奄然先逝嗚呼惜哉今其
子密直提學李穡於辛丑播遷蒼黃之際能不
失遺藁編為二十卷令妹夫錦州宰朴尚衷書
以壽諸梓予得而閱之慨然圭復益歎其所樹
立如此又嘉其有子如此於是乎書至正甲辰
五月初吉栗亭老人尹澤謹識

Blank page with horizontal lines.

吾東方文學之士登中朝科者多矣然父子相繼擢高科登史論名聞中夏世稱其美惟

稼亭與牧隱兩先生而已歲在壬寅余受命為江原都觀察使摠制李種善同知摠制李叔畝

延以

稼亭文集授余曰我

祖文集刊板在錦山不幸罹于兵燹將予重刊以示不朽余於

稼亭先生視猶祖父也故樂為之命工鋟梓以壽其傳余惟淵沉之學出於蔡西山軼轍之文

原於蘇老泉誰知

牧隱道德文章之美實由於

稼亭而化之所延來者遠矣吾生晚也未得待
間居而目接耳受以破朦聾悲夫

永樂壬寅十月 日嘉善大夫江原道都觀察

黜陟使文城柳思訥敬跋

我先祖稼亭文孝公牧隱文靖公兩先生父子相
繼蜚英麗元道德功業昭載乘牒餘事文章冠絕
今古東人之仰之若泰山址斗其遺編剩馥舉一
邦殆家有之而為登壇操觚者之指南焉至壬辰
兵燹並失板本英華之流及後入事蹟之儀式百
代者獨賴此篇以想其彷彿而今將湮沒無傳不
徒吾門之不幸亦斯文之所嘆惜也吾宗人李承
旨德洙甫頊宰昇平求得牧隱文集先為鋟梓藏
諸韓山文獻書院以壽其傳暨不佞按節而南也
宗文李判府德洞相公袖稼亭集一編囑余曰吾

儕得姓數百年來子孫繩緇珪組不替文章節行
之士代不絕書清白之操敦睦之風尚今不衰稱
艷于薦紳之間寔我祖之深仁厚澤愈久而愈不
斬也竊恐此書淹延日月或竟遺亡為同宗之羞
子今膺專閫之任當有為之地子其勉之哉不佞
擎跪拜謝祇領教意即鳩材聚匠重刊于達城客
館閱兩月工告訖功第編簡收集於散之餘詩
文若干殘缺無存目錄之下姑記其數拾遺補止
以俟他日焉不佞既感承宣公追遠肯構之盛意
又蒙判府相公教誨之一一寧原念本始撫摩遺蹟

况若身承警咳區區敬慕之心有不能自己也庶
吾宗之覽斯集者若保青氈不墜素業益培積善
之地毋負長者之訓則豈獨為一門之寶藏宗為
輔世之一助也敢贅斯語于卷末以自警省云爾
時崇禎乙亥日址至後孫通攸大夫守慶尚道觀
察使兼兵馬水軍節度使巡察使李基祚謹識

秘傳身之譜

二

[Faint vertical text in columns, likely bleed-through from the reverse side of the page]

右吾先祖稼亭先生文孝公遺稿摭二十
卷皆經救隱先生之刪定者刊行既久且
屢經兵火幾乎泯沒幸賴宗人尚書李公
基祚按節嶺南搜得其殘爛八梓於大丘
而為子孫者每以不得全帙為恨矣頃在
戊戌冬泰淵忝按湖西偶得全本於送旅
中亟謀鋟梓旋罷未果常懼其終未得傳

布幸於今日又蒙 聖恩來按湖南適當
時屈固有舉羸之嫌而失今不圖恐抱無
涯之恨茲敢捐俸開板於完山而錦山郡
守安公獻徵高山縣監李公恒鎮公以外
裔共相斯役不閱月而工告訖功覽吾先
祖文章德行昭載史籍則遺稿之傳不傳
雖若無所輕重而子孫羹牆之慕舍是而


予何寓焉向日之幾乎永泯者賴尚書公
而得其半今又因不肖而能得其全其或
缺或完者似有顯晦之理而目今內外裔
派之圭組嬋媯者無非吾先祖積德之餘
慶則其可傳於永久者豈特此咳唾之餘
而已哉仍竊惟念吾同宗枝分派別名顯
者固多而心或有衰微不振僅同瓦礫何

暇先懿之圖哉惟幸吾麟齋公之獨不其
陵督吾叔父叅議公德洙視篆昇平之日
重刊牧隱集其胤金闕東伯弘淵曾按海
一碑建石麟齋墓大闡世德不肖昔宰公山
刊行麟齋稿而今日此役又成於不肖之
手雖稼牧遺澤慈覆於無窮而亦由於麟
齋公所封植者其應如此則豈朱夫子所

謂盛年苦節且享其報者非耶不勝感愴
之懷謹識其顛末如右云甲申後十九年
壬寅三月上浣後孫通政大夫守全南道
觀察使兼兵馬水軍節度使巡察使全州
府尹秦淵拜手稽首謹識

和尙書

Vertical columns of text within a rectangular border, likely bleed-through from the reverse side of the page. The text is mostly illegible due to fading and ink bleed-through.





卷之三

古詩

雜錄

人